

國子監志

卷之六十三

金石志十一

進士題名碑

元明附

卷之六十四

金石志十二

諸刻歷代石刻附

第四冊

國子監志卷六十三

金石志十一

進士題名

順治三年丙戌科。


賜傅以漸等三百七十三名及第出身題名碑。

順治四年丁亥科。

賜呂宮等二百九十八名及第出身題名碑。康熙三十

一年立。

謹案上年會試。士子入都應試者。閒以道塗梗



塞後期始至。

朝廷加意招徠。是年重行會試。

順治六年己丑科。

賜劉子壯等三百九十五名及第出身題名碑。康熙四

十九年立。

順治九年壬辰科。

賜麻勒吉等五十名及第出身題名碑。

賜鄒忠倚等三百九十七名及第出身題名碑。以上五碑在

大成門外之東。南向。

謹案是年及乙未兩科。滿漢分榜。蒙古入滿洲榜。漢軍入漢人榜。自後仍合為一。  
順治十二年乙未科。

賜圖爾宸等五十名及第出身題名碑。

賜史大成等三百九十九名及第出身題名碑。以上二碑在

大成門外之西。南向。

順治十五年戊戌科。

賜孫承恩等三百四十三名及第出身題名碑。在大成門外

之東。南向。

順治十六年己亥科。

賜徐元文等三百七十七名及第出身題名碑。

謹案是年以雲貴蕩平。欽奉

恩詔再行會試。

順治十八年辛丑科。

賜馬世俊等三百八十三名及第出身題名碑。

康熙三年甲辰科。

賜嚴我斯等二百名及第出身題名碑。以上三碑在大成門外之西。

向南。

康熙六年丁未科。

賜繆彤等一百五十五名及第出身題名碑。在大成門外之東。

向南。

康熙九年庚戌科。

賜蔡啓傳等二百九十九名及第出身題名碑。在大成門外。

之西。

康熙十二年癸丑科。

賜韓莢等一百六十六名及第出身題名碑。在大成門外之西。

向南。

康熙十五年丙辰科。

賜彭定求等二百九名及第出身題名碑。在大成門外之西。南向。

康熙十八年己未科。

賜歸允肅等一百五十一名及第出身題名碑。在大成門外。

之東。南向。

康熙二十一年壬戌科。

賜蔡升元等一百七十九名及第出身題名碑。在大成門外。

之西。南向。

康熙二十四年乙丑科。

賜陸肯堂等一百六十四名及第出身題名碑。在大成門外。

之東。南向。

康熙二十七年戊辰科。

賜沈廷文等一百四十六名及第出身題名碑。在大成門外。

之西。南向。

康熙三十年辛未科。

賜戴有祺等一百五十七名及第出身題名碑。在大成門外。

之東。南向。

康熙三十三年甲戌科。

賜胡任輿等一百六十八名及第出身題名碑。

康熙三十六年丁丑科。

賜李蟠等一百五十名及第出身題名碑。

康熙三十九年庚辰科。

賜汪繹等三百五名及第出身題名碑。

康熙四十二年癸未科。

賜王式丹等一百六十六名及第出身題名碑。

康熙四十五年丙戌科。

賜王雲錦等二百九十名及第出身題名碑。以上五成碑。

在大成

門外之西南向。

康熙四十八年己丑科。

賜趙熊詔等二百九十二名及第出身題名碑。在大成門外

之東南向。

康熙五十一年壬辰科。

賜王世琛等一百七十七名及第出身題名碑。

康熙五十二年癸巳。

恩科。

賜王敬銘等一百九十六名及第出身題名碑。

康熙五十四年乙未科。

賜徐陶璋等一百九十名及第出身題名碑。以上大成碑。

門外之西南向。

康熙五十七年戊戌科。

賜汪應銓等一百六十五名及第出身題名碑。

康熙六十年辛丑科。

賜鄧鍾岳等一百六十三名及第出身題名碑。

雍正元年癸卯

恩科。

賜于振等二百四十六名及第出身題名碑。

雍正二年甲辰補行正科。

賜陳惠華等二百九十九名及第出身題名碑。

又

諭禮部。工部。國子監。進士題名碑。始於唐時新進士榜

後於慈恩寺塔下題名立碑。自宋明以至我朝。皆建

碑於國學。按諸進士甲第先後。刻姓名籍貫於上。凡

所以重科名也。今太學

聖廟戟門外。所立本朝歷科題名碑。自順治丙戌科

起至康熙戊戌科而止。考會典。諸進士釋菜後。禮部題請。工部給建碑銀壹百兩。交與國子監立石題名。康熙三年。輔政大臣。裁省此典。每科皆諸進士捐資立石。我國家振興文教。凡鄉試會試。動用帑金數萬。朕即位之始。即開恩科。誠以科目一途。實用人取士之所係。題名之典。豈宜遺缺。著工部動用正項錢糧。令國子監將雍正癸卯甲辰兩科題名碑記。即行建立。康熙辛丑科。亦行補建。嗣後每科仍照舊例題請。庶士子觀覽此碑。知讀書之可以榮名。益勵其自修。

上達之志爾。該衙門即遵諭行。

雍正五年丁未科。

賜彭啓豐等二百二十六名及第出身題名碑。

雍正八年庚戌科。

賜周霽等三百九十九名及第出身題名碑。

雍正十一年癸丑科。

賜陳倌等三百二十八名及第出身題名碑。

乾隆元年丙辰。

恩科。



賜金德瑛等三百四十四名及第出身題名碑。

乾隆二年丁巳

恩科。

賜于敏中等三百二十四名及第出身題名碑。

乾隆四年己未科。

賜卓林等二十二名繙譯進士出身題名碑。

賜莊有恭等三百二十八名及第出身題名碑。

謹案繙譯鄉會試自雍正元年定於子午卯酉年二月鄉試辰戌丑未年八月會試嗣後或舉

或停或止准鄉試而停會試至乾隆四年八月

復舉行會試題名之有碑刻自是科始二十二

年仍議停止會試四十四年照舊舉行并奏准

賜進士出身停其

殿試又奏准停止建立碑記此繙譯進士題名所

以僅止四碑也

乾隆七年壬戌科

賜金牲等三百二十三名及第出身題名碑。

乾隆十年乙丑科。

賜安福等二十名繙譯進士出身題名碑。

賜錢維城等三百十三名及第出身題名碑。

乾隆十三年戊辰科。

賜武敬等二十一名繙譯進士出身題名碑。

賜梁國治等二百六十四名及第出身題名碑。

乾隆十六年辛未科。

賜凝舞立等十八名繙譯進士出身題名碑。

賜吳鴻等二百四十三名及第出身題名碑。

乾隆十七年壬申

恩科。

賜秦大士等二百三十一名及第出身題名碑。

乾隆十九年甲戌科。

賜莊培因等二百四十一名及第出身題名碑。

乾隆二十二年丁丑科。

賜蔡以臺等二百四十二名及第出身題名碑。

乾隆二十五年庚辰科。

賜畢沅等一百六十四名及第出身題名碑。

乾隆二十六年辛巳

恩科。

賜王杰等二百十七名及第出身題名碑。

乾隆二十八年癸未科。

賜秦大成等一百八十八名及第出身題名碑。

乾隆三十一年丙戌科。

賜張書勳等二百十三名及第出身題名碑。

乾隆三十四年己丑科。

賜陳初哲等一百五十一名及第出身題名碑。

乾隆三十六年辛卯。

恩科。

賜黃軒等一百六十一名及第出身題名碑。

乾隆三十七年壬辰科。

賜金榜等一百六十二名及第出身題名碑。

乾隆四十年乙未科。

賜吳錫齡等一百五十八名及第出身題名碑。

乾隆四十三年戊戌科。

賜戴衢亨等一百五十七名及第出身題名碑。以上三十碑在

大成門外  
之東南向。

乾隆四十五年庚子

恩科。

賜汪如洋等一百五十五名及第出身題名碑。

在大門外

之西  
南向。

乾隆四十六年辛丑科。

賜錢榮等一百六十九名及第出身題名碑。

乾隆四十九年甲辰科。

賜茹荼等一百十二名及第出身題名碑。

乾隆五十二年丁未科。

賜史致光等一百三十七名及第出身題名碑。

乾隆五十四年己酉豫行正科。

賜胡長齡等九十八名及第出身題名碑。

乾隆五十五年庚戌

恩科。

賜石韞玉等九十七名及第出身題名碑。

乾隆五十八年癸丑科。

賜潘世恩等八十一名及第出身題名碑。

乾隆六十年乙卯

恩科。

賜王以銜等一百十一名及第出身題名碑。

嘉慶元年丙辰

恩科。

賜趙文楷等一百四十四名及第出身題名碑。

嘉慶四年己未科。

賜姚文田等二百二十名及第出身題名碑。

嘉慶六年辛酉

恩科。

賜顧臯等二百七十五名及第出身題名碑。

嘉慶七年壬戌科。

賜吳廷琛等二百四十八名及第出身題名碑。

以上十碑在

大成門外  
之東南向。

嘉慶十年乙丑科。

賜彭浚等二百四十三名及第出身題名碑。

嘉慶十三年戊辰科。

賜吳信中等二百六十一名及第出身題名碑。

嘉慶十四年己巳

恩科。

賜洪瑩等二百四十一名及第出身題名碑。

嘉慶十六年辛未科。

賜蔣立鏞等二百三十七名及第出身題名碑。

嘉慶十九年甲戌科。

賜龍汝言等二百二十六名及第出身題名碑。

嘉慶二十二年丁丑科。

賜吳其濬等二百五十五名及第出身題名碑。

以上六碑在

大成門外  
之西南向。

嘉慶二十四年己卯

恩科。

賜陳沆等二百二十四名及第出身題名碑。

在大成門外之東。

南向。

嘉慶二十五年庚辰科。

賜陳繼昌等二百四十六名及第出身題名碑。

道光二年壬午

恩科。

賜戴蘭芬等二百二十二名及第出身題名碑。

道光三年癸未科。

賜林召棠等二百四十六名及第出身題名碑。

道光六年丙戌科。

賜朱昌頤等二百六十五名及第出身題名碑。

道光九年己丑科。

賜李振鈞等二百二十一名及第出身題名碑。

道光十二年壬辰

恩科。

賜吳鍾駿等二百六名及第出身題名碑。

道光十三年癸巳補行正科。

賜汪鳴相等二百二十名及第出身題名碑。以上七碑在大成門外之西南向。

大成門外之西南向。

附

元

至正十一年進士題名碑

監丞文□篆額。祭酒王思誠撰記。無書人姓名。

記文首行空數字。至不可屬讀。制曰可。脫去曰

字。可。為作河。朶列圖。朶作篤。與下題名異。題名

現存者。蒙古色目一甲朶列圖一人。二甲善林遠等五人。三甲普延台等二十三人。餘俱蝕損無考。又漢人南人現存者一甲文允中一人。二甲吳裕等五人。三甲宋貞等三十三人。餘亦全闕無考。是年□月立。

國子監公試題名記

祭酒張翥撰記。無書人姓名。舊稱至正十九年己亥四色進士題名碑。今諦審碑額篆書。係□  
□庚□□子□□試□□記十二字。試上公字。

記上名字。下半尚存。且題名所列俱正副榜。並無進士。與後丙午公試題名碑同。其為國子監公試題名記無疑。己亥或庚子之譌。以碑額有庚字可證。題名現存者。正榜蒙古止五兒等二人。色目止神保等四人。餘多剝落。惟漢人郭永銘等六人無闕。副榜蒙古四人。色目四人。第一名俱不可辨。漢人余植等十二人。亦多磨滅。國子監公試題名記。有記無撰書人姓名。碑列正榜蒙古賜正六品。



出身授承直郎哈刺燕只哥等七人。色目賜從六品出身授承務郎宋嘉問等六人。漢人賜正七品出身授承事郎蔡元等七人。副榜六人俱蒙古。姓名並剝落難辨。以上三碑在大成門外之西南向。

謹案此三碑。康熙三十一年。祭酒吳苑得於啓聖祠土中。考王士禎池北偶談。引水東日記云。明時內官阮安督工建太學時。悉取前元進士碑。磨去刻字。今三年一立石。皆是物也。此三碑以沈蕕土中得全。亦幸矣。又案孫承澤春明夢

餘錄云。延祐二年進士題名記。趙孟頫書。碑立國學。今無之。當亦在磨去之列。

附明

永樂十三年乙未科。賜陳循等三百五十一名及第出身題名碑。翰林院學士兼右春坊右庶子奉政大夫楊榮撰記。徵仕郎中書舍人朱暉書。十四年四月立。在大成門外東南北向。

謹案明進士題名碑有記者凡六十通。重見複

出。文義一律。茲並不錄。

永樂十六年戊戌科。賜李騏等二百五十名及第出身題名碑。翰林院學士兼右春坊右庶子奉政大夫楊榮撰記。徵仕郎中書舍人朱暉書。是年四月立。

永樂十九年辛丑科。賜曾鶴齡等二百一名及第出身題名碑。文淵閣大學士兼翰林院學士奉政大夫楊榮撰記。徵仕郎中書舍人陳景茂書。是年五月立。

以上二碑在大成門外之西南向。

永樂二十二年甲辰科。賜邢寬等一百四十八名及第出身題名碑。榮祿大夫少傅兵部尚書華蓋殿大學士楊士奇撰記。奉議大夫行在吏部考功司郎中夏衡書。宣德九年十月立。

宣德二年丁未科。賜馬愉等一百一名及第出身題名碑。榮祿大夫少傅兵部尚書華蓋殿大學士楊士奇撰記。徵仕郎中書舍人程南雲書。是年三月立。

宣德五年庚戌科。賜林震等一百名及第出身

題名碑。資善大夫太子少保禮部尚書兼武英殿大學士金幼孜撰記。奉議大夫禮部精膳司郎中陳景茂書。是年四月立。

宣德八年癸丑科。賜曹鼎等九十九名及第出

身題名碑。資善大夫禮部尚書兼翰林院學士

楊溥撰記。奉政大夫禮部郎中黃養正書。九年

十一月立。

以上四碑。在成大門外東南。北向。

正統元年丙辰科。賜周旋等一百名及第出身題名碑。中順大夫詹事府少詹事兼翰林院侍

讀學士王直撰記。承德郎行在吏部考功司主事夏景書。二年□月立。

正統四年己未科。賜施槃等九十九名及第出

身題名碑。翰林院學士奉政大夫錢習禮撰記。

中順大夫太常寺少卿兼翰林院侍書程南雲

書。八年十二月立。

以上二碑。在成大門外之東。南向。

正統七年壬戌科。賜劉儼等一百四十九名及

第出身題名碑。翰林院學士奉議大夫陳循撰

記。中順大夫太常寺少卿兼翰林院侍書程南

雲書八年十二月立。

在大成門外之西南向。

正統十年乙丑科。賜商輅等一百五十名及第

出身題名碑。翰林院學士兼修國史經筵官曹

鼎撰記。中書舍人陳學書。是年六月立。

在大成門外。

之東南向。

正統十三年戊辰科。賜彭時等一百五十名及

第出身題名碑。嘉議大夫兵部右侍郎兼翰林

院侍讀學士苗衷撰記。中書舍人黃采書。是年

七月立。

在大成門外之西南向。

景泰二年辛未科。賜柯潛等二百一名及第出

身題名碑。榮祿大夫少保兼太子太傅戶部尚

書文淵閣大學士同知經筵事陳循撰記。中順

大夫太常寺少卿王謙書。三年九月立。

在大成門外。

之東南向。

謹案是年左春坊左諭德管國子監司業事趙

琬奏進士題名立石

大成門下。俾諸生出入。皆得瞻仰。誠激勸後學之

意。正統閒。移於太學門外。風雨飄淋。易於損壞。

乞勅工部造屋覆蓋以圖經久從之

景泰五年甲戌科。賜孫賢等三百四十五名及

第出身題名碑。榮祿大夫少保兼太子太傅戶

部尚書文淵閣大學士同知經筵事陳循撰記

奉議大夫吏部考功司郎中董璵書。無立碑年

月。在大成門外之西。南向。

天順元年丁丑科。賜黎淳等二百九十四名及

第出身題名碑。資善大夫吏部尚書兼翰林院

學士知制誥李賢撰記。中順大夫順天府府丞

余謙書。三年正月立。在大成門外之東。南向。

天順四年庚辰科。賜王一夔等一百五十六名

及第出身題名碑。資政大夫吏部尚書兼翰林

院學士知制誥李賢撰記。奉直大夫禮部儀制

司員外郎凌耀宗書。無立碑年月。在大成門外之西。南向。

天順八年甲申科。賜彭教等二百四十七名及

第出身題名碑。榮祿大夫少保吏部尚書兼華

蓋殿大學士李賢撰記。奉訓大夫禮部祠祭司

員外郎謝宇書。成化元年二月立。在大成門外之東。南向。

成化二年丙戌科。賜羅倫等三百五十三名及第出身題名碑。資政大夫太子少保禮部尚書兼文淵閣大學士陳文撰記。奉議大夫禮部郎中陳綱書。是年三月立。在大成門外之西南向。

成化五年己丑科。賜張昇等二百四十七名及第出身題名碑。資政大夫太子少保吏部尚書兼文淵閣大學士彭時撰記。中順大夫太常寺少卿林章書。是年三月立。在大成門外之東南向。

成化八年壬辰科。賜吳寬等二百五十一名及第出身題名碑。資政大夫戶部尚書兼翰林院學士商輅撰記。中順大夫太常寺少卿謝宇書。十年三月立。在大成門外之西南向。

成化十一年乙未科。賜謝遷等三百名及第出身題名碑。資政大夫太子少保戶部尚書兼翰林院學士萬安撰記。中憲大夫太常寺少卿謝宇書。十年三月立。在大成門外之東南向。

成化十四年戊戌科。賜曾彥等三百五十名及第出身題名碑。資政大夫太子少保戶部尚書

兼文淵閣大學士劉珣撰記承德郎禮部儀制司主事兼司經局正字凌暉書是年三月立在

大成門外之西南向

成化十七年辛丑科賜王華等二百九十八名

及第出身題名碑光祿大夫柱國太子太保禮

部尚書兼武英殿大學士劉吉撰記朝列大夫

山東布政司左叅議凌暉書十□年三月立在

大成門外之東南向

成化二十年甲辰科賜李□等三百名及第出

身題名碑光祿大夫柱國少保兼太子太傅戶

部尚書謹身殿大學士劉吉撰記奉議大夫吏

部驗封司郎中姜立綱書二十二年□月立在

大成門外之西南向

成化二十三年丁未科賜費宏等三百五十一

名及第出身題名碑榮祿大夫少傅兼太子太

傅吏部尚書謹身殿大學士徐溥撰記中順大

夫太僕寺少卿姜立綱書無立碑年月在大成門外

之東南向

宏治三年庚戌科。賜錢福等二百九十八名及第出身題名碑。光祿大夫柱國少保兼太子太保戶部尚書武英殿大學士邱濬撰記。儒林郎大理寺右寺副劉棻書。無立碑年月。門在大成

向南

宏治六年癸丑科。賜毛澄等二百九十八名及第出身題名碑。榮祿大夫太子太保禮部尚書兼武英殿大學士劉健撰記。儒林郎大理寺左寺副兼司經局正字周文通書。無立碑年月。

宏治九年丙辰科。賜朱希周等二百九十八名及第出身題名碑。榮祿大夫太子太保戶部尚書兼謹身殿大學士李東陽撰記。朝列大夫尚寶司卿兼司經局正字劉棻書。是年□月立。以上

二碑在大成門外之東。南向。

宏治十二年己未科。賜倫文敘等三百名及第出身題名碑。特進光祿大夫柱國少師兼太子太師吏部尚書華蓋殿大學士劉健撰記。中順大夫順天府府丞兼司經局正字周文通書。是



年□月立。

宏治十五年壬戌科。賜康海等二百九十七名及第出身題名碑。榮祿大夫太子太保禮部尚書兼武英殿大學士謝遷撰記。奉議大夫吏部驗封司郎中蔣恭書。是年□月立。

宏治十八年乙丑科。賜顧鼎臣等三百三名及第出身題名碑。光祿大夫柱國少師兼太子太師吏部尚書華蓋殿大學士李東陽撰記。奉政大夫吏部稽勳司郎中沈冬魁書。是年□月立。

以上三碑。在大成門外之西南向。

正德三年戊辰科。賜呂柟等三百四十九名及第出身題名碑。光祿大夫柱國少師兼太子太師吏部尚書華蓋殿大學士焦芳撰記。太常寺少卿周文通書。是年□月立。在大成門外之東南向。

正德六年辛未科。賜楊慎等三百四十九名及第出身題名碑。榮祿大夫少保兼太子太保吏部尚書武英殿大學士石瑄撰記。資善大夫太常寺卿兼經筵侍書劉棻書。無立碑年月。在大成

門外之西南向。

正德九年甲戌科。賜唐臯等三百九十六名及第出身題名碑。特進光祿大夫左柱國少師兼太子太師吏部尚書華蓋殿大學士楊廷和撰記。通議大夫太常寺卿劉棨書。無立碑年月。

正德十二年丁丑科。賜舒芬等三百四十九名及第出身題名碑。榮祿大夫少保兼太子太保禮部尚書武英殿大學士賈詠撰記。資善大夫太常寺卿兼經筵侍書劉棨書。無立碑年月。  
以上

二碑在東大成門外之東南向。

正德十六年辛巳科。賜楊維聰等三百三十名及第出身題名碑。特進光祿大夫左柱國少師兼太子太師吏部尚書華蓋殿大學士楊廷和撰記。通議大夫太常寺卿劉棨書。無立碑年月。

嘉靖二年癸未科。賜姚涑等四百十名及第出身題名碑。少師兼太子太師吏部尚書華蓋殿大學士費宏撰記。資善大夫太常寺卿兼經筵侍書劉棨書。無立碑年月。  
以上二碑在大成門外之西南向。

嘉靖五年丙戌科。賜龔用卿等三百一名及第出身題名碑。記文已磨滅。撰書人姓名及立碑年月俱不可辨。

嘉靖八年己丑科。賜羅洪先等三百二十三名及第出身題名碑。榮祿大夫太子太保吏部尚書兼武英殿大學士李時撰記。中順大夫順天府府丞周令書。十一年七月立。

謹案時吏部尚書兼武英殿大學士李時上言。舊例進士開科。禮部奏請於國子監立石題名。

命儒臣撰記。以昭盛典。傳之永久。正德六年以來。國家多事。因循不作。皇上敦化崇文。始命輔臣追記補之。嘉靖五年丙戌題名記。僉謂臣職當撰述。臣竊謂此記雖禮部題請命翰林院撰文。然未嘗奉旨專命何官。而各年碑石。並書臣某奉勅撰。其文又未嘗呈覽。揆之事體。似有未安。竊聞先朝大學士楊榮李賢等連科撰述。皆出宸命。况皇上聖文溢發。凡近日冊詔誥勅。有所指點。皆非臣等所及。臣謹以本年所撰稿錄。

進伏乞少運睿思。改發工部。仍行翰林院擬定制勅房官一員。書寫刻石。從之。著為例。明太學志不載是科碑記。漏也。

嘉靖十一年壬辰科。賜林大欽等三百十六名及第出身題名碑。特進光祿大夫上柱國少師兼太子太師吏部尚書華蓋殿大學士夏言撰記。亞中大夫太僕寺卿張文憲書。二十一年四月立。

嘉靖十四年乙未科。賜韓應龍等三百二十五

名及第出身題名碑。嘉議大夫吏部右侍郎兼東閣大學士李本撰記。通議大夫通政使司通政使張文憲書。

嘉靖十七年戊戌科。賜茅瓚等三百二十名及第出身題名碑。光祿大夫柱國少傅兼太子太師吏部尚書謹身殿大學士嚴嵩撰記。通議大夫禮部左侍郎兼司經局正字張電書。二十四年十月立。

嘉靖二十年辛丑科。賜沈坤等二百九十八名

及第出身題名碑。無記。無立碑年月。

謹案是碑。明太學志云。禮部尚書徐階撰記。朱彝尊日下舊聞引劉中柱六館日鈔並同。日鈔又云。工部右侍郎談相書。今觀是碑。字甚完好。並無記文。及閱嘉靖二十六年丁未科禮部尚書顧可學碑記。始知乙未辛丑甲辰丁未四科立石已久。俱闕撰記。至庚戌科。乃命李本徐階孫承恩顧可學等補撰勒石。今乙未甲辰丁未三碑皆有記。其撰人姓名。與顧記及太學志合。

獨是碑無記。蓋諸碑篆額下俱留餘地。得以補刻。而是碑篆額與題名連屬。一無空闕。是以遺而不刻。四科惟是碑末無年月。餘三碑並有嘉靖三十年某月一行。此係補刻記文年月。非立碑年月也。

嘉靖二十三年甲辰科。賜秦鳴雷等三百二十  
二名及第出身題名碑。資政大夫禮部尚書兼  
翰林院學士□詹事府事孫承恩撰記。儒林郎  
大理寺右寺□□副□□書。

嘉靖二十六年丁未科。賜李春芳等三百一名及第出身題名碑。榮祿大夫太子太保禮部尚書顧可學撰記。承德郎大理寺左寺正吳昂書。嘉靖二十九年庚戌科。賜唐汝楫等三百二十名及第出身題名碑。資善大夫吏部尚書李默撰記。翰林院協掌典籍事文林郎大理寺右評事吳應鳳書。三十年六月立。

嘉靖三十二年癸丑科。賜陳謹等四百三名及第出身題名碑。光祿大夫柱國少保兼太子太傅禮部尚書武英殿大學士徐階撰記。朝列大夫山東布政使司右叅議王槐書。三十三年三月立。

嘉靖三十五年丙辰科。賜諸大綬等二百九十六名及第出身題名碑。題名存者無幾。記文及撰書人姓名。俱磨滅難辨。三十九年□月立。謹案明太學志。載為吳山撰文。

嘉靖三十八年己未科。賜丁士美等三百三名及第出身題名碑。正議大夫資治尹太子賓客

吏部左侍郎兼翰林院學士郭朴撰記徵仕郎  
中書舍人兼管翰林院典籍事顧從禮書三十  
九年□月立。

嘉靖四十一年壬戌科。賜徐時行等二百九十  
九名及第出身題名碑。榮祿大夫少保兼太子  
太保戶部尚書武英殿大學士知制誥典紀總  
裁袁煒撰記。承德郎大理寺右寺正叢恕書。四  
十二年八月立。  
謹案徐時行。後復姓申。

嘉靖四十四年乙丑科。賜范應期等三百九十  
四名及第出身題名碑。榮祿大夫太子太保吏  
部尚書兼武英殿大學士知制誥典紀總裁嚴  
訥撰記。文林郎大理寺左寺左評事兼翰林院  
侍書李中書。四十五年四月立。

隆慶二年戊辰科。賜羅萬化等四百三名及第  
出身題名碑。光祿大夫柱國少傅兼太子太師  
吏部尚書建極殿大學士李春芳撰記。奉直大  
夫尚寶司少卿兼翰林院侍書吳自成書。是年

九月立。

隆慶五年辛未科。賜張元忭等三百九十六名及第出身題名碑。特進光祿大夫柱國少師兼太子太師吏部尚書中極殿大學士申時行撰記。中憲大夫太僕寺少卿從三品俸兼司經局正字徐繼申書。萬曆十五年八月立。以上十六碑在大

成門外西南北向。

萬曆二年甲戌科。賜孫繼臯等二百九十九名及第出身題名碑。光祿大夫太子太保禮部尚

書武英殿大學士王錫爵撰記。奉政大夫光祿寺少卿兼司經局正字成楫書。十八年十月立。

在大成門外東南北向。

萬曆五年丁丑科。賜沈懋學等三百一名及第出身題名碑。光祿大夫柱國少傅兼太子太傅禮部尚書建極殿大學士許國撰記。中憲大夫太僕寺少卿從三品俸兼司經局正字馬繼文書。十五年八月立。在大成門外西南北向。

萬曆八年庚辰科。賜張懋修等三百二名及第



出身題名碑。光祿大夫柱國少師兼太子太師  
吏部尚書中極殿大學士葉向高撰記。制勅房  
辦事修職郎通政使司知事唐尚忠書。天啓三  
年工部監督主事王振奇立。

萬曆十一年癸未科。賜朱國祚等三百四十一  
名及第出身題名碑。光祿大夫太子太保禮部  
尚書兼武英殿大學士王錫爵撰記。儒林郎大  
理寺左寺副趙應宿書。十八年十月立。  
萬曆十四年丙戌科。賜唐文獻等三百四十五

名及第出身題名碑。無記。工部監督主事王振  
奇立。無年月。

謹案是科碑刻三甲二百七十五名。考登科錄。  
高巖下尚有六人。劉訥。陝西□。羌衛軍籍。張應  
鳳。直隸大名府元城縣民籍。弋鶴。山西平陽府  
解州安邑縣民籍。韓范。山西澤州沁水縣民籍。  
曾代蕭。河南歸德府商邱縣民籍。張國紀。河南  
河南衛軍籍。實二百八十一名。未知孰是。存以  
備考。

萬曆十七年己丑科。賜焦竑等三百四十七名及第出身題名碑。無記。工部監督主事王振奇立。無年月。

萬曆二十年壬辰科。賜翁正春等三百四名及第出身題名碑。光祿大夫太子太保戶部尚書兼文淵閣大學士張位撰記。文林郎通政使司經歷從六品俸章如鋌書。二十四年□月立。

萬曆二十三年乙未科。賜朱之蕃等三百四名及第出身題名碑。資政大夫太子少保禮部尚

書兼文淵閣大學士陳于陞撰記。文林郎通政使司經歷正六品俸湯應龍書。二十四年□月立。

萬曆二十六年戊戌科。賜趙秉忠等二百九十二名及第出身題名碑。無記。工部監督主事王振奇立。無年月。

謹案是科碑刻二甲五十七名。考登科錄。潘陽春下尚有四人。黃煒。四川順慶府南充縣民籍。李作舟。四川重慶府合州民籍。穆深。山東濟南

府歷城縣民籍。楊逢時。湖廣荊州府江陵縣軍籍。實六十一名。未知孰是。存以備考。

萬曆二十九年辛丑科。賜張以誠等三百一名。及第出身題名碑。無記。工部監督主事王振奇立。無年月。

萬曆三十二年甲辰科。賜楊守勤等三百八名。及第出身題名碑。無記。工部監督主事王振奇立。無年月。

萬曆三十五年丁未科。賜黃士俊等二百九十

八名。及第出身題名碑。無記。工部監督主事王振奇立。無年月。

萬曆三十八年庚戌科。賜韓敬等三百二名。及第出身題名碑。無記。工部監督主事王振奇立。無年月。

萬曆四十一年癸丑科。賜周延儒等三百四十四名。及第出身題名碑。光祿大夫柱國少師兼太子太師吏部尚書中極殿大學士葉向高撰記。□□□通政司知事周承禹書。工部監督主

事王振奇立。天啓三年四月。

萬曆四十四年丙辰科。賜錢士升等三百四十

四名及第出身題名碑。無記。工部監督主事王

振奇立。無年月。

萬曆四十七年己未科。賜莊際昌等三百四十

五名及第出身題名碑。無記。工部監督主事王

振奇立。無年月。

謹案以上各碑。有王振奇姓名者。疑皆一時所  
立。獨張懋修碑書年。周延儒碑有記。并書年月。

為小異耳。

天啓二年壬戌科。賜文震孟等四百九名及第

出身題名碑。無記。本監督工委官掌饌廳掌饌

袁□□。無年月。

天啓五年乙丑科。賜余煌等三百名及第出身

題名碑。無記。無立碑年月。以上十六碑。在  
成門外東南。北向。大

崇禎元年戊辰科。賜劉若宰等三百五十三名

及第出身題名碑。無記。工部營繕司主事王灝

監鐫。無年月。

崇禎四年辛未科。賜陳于泰等三百四十九名及第出身題名碑。無記。工部營繕司主事王灝監鐫。無年月。

崇禎七年甲戌科。賜劉理順等三百二名及第出身題名碑。無記。工部營繕司主事王灝監鐫。無年月。

崇禎十年丁丑科。賜劉同升等三百一名及第出身題名碑。無記。工部營繕司主事王灝監鐫。無年月。

崇禎十三年庚辰科。賜魏藻德等二百九十六名及第出身題名碑。無記。工部營繕司主事王灝監鐫。無年月。

又賜史惇等一百六十三名吳康侯等一百名特用出身題名碑。光祿大夫柱國少傅兼太子太傅吏部尚書建極殿大學士周延儒撰記。奉政大夫太僕寺少卿兼翰林院侍書朱國詔書。工部營繕司主事王灝監鐫。十五年九月立。

六碑在大成門外西南北向。

謹案王灝監鐫六碑。疑亦一時所立。其庚辰特用一碑。舊時以碑未有崇禎十五年七月一行。因譌作十五年壬午科。據高承埏鴻一亭筆記云。崇禎十三年。拔下第舉人史惇等。廷試貢生。吳康侯等。俱留特用。授主事知州推官知縣有差。又史惇雜記云。崇禎庚辰。上有厭薄進士之意。故將下第舉人。與廷試貢生。盡留特用。惇等請援進士例。謁文廟行釋菜禮。并立石題名。閣臣張四知以為不可。上命如所請。立石國學。又

據朱彝尊日下舊聞。所載明進士題名并特用碑。凡七十七通。於成化壬辰辛丑甲辰。宏治壬戌乙丑。正德辛未。嘉靖丙戌諸科。俱云碑仆。至永樂乙未戊戌辛丑甲辰。宣德丁未。正統丙辰壬戌諸科。則直云碑無。蓋久仆。或沈埋土中。不可得見也。今諸碑皆現存。已仆者亦屹立如故。在東者十五。在西者十七。皆南向。在東南者二十二。在西南者二十三。皆北向。合之為七十七通焉。



歐褚各臨摹二本並珍愛定武石刻成晉宋互顯味  
熙寧偽蹟刊筆力遠不逮金取置燕京國學存大槩  
考古偶涉詞紀實春明載

御案

孫承澤春明夢餘錄唐太宗好右軍書魏徵言蘭亭  
敘在僧辨才處遣御史蕭翼賺得之收入秦府貞觀  
十年命諸臣臨本歐陽詢褚遂良流傳最著後所謂  
定武本歐臨也所謂唐絹本褚臨也定武本刻石禁  
中當時每紙已值錢數萬石晉時遼人輦之而北慶

歷中李學究得之其子負官緡宋景文守定武以帑  
金代償納石於庫熙寧間薛師正出牧刊別本以應  
求者郡遂有真贗兩刻其子紹彭又模之他石潛易  
古刻又剔損古刻湍流帶左右五字以識大觀中詔  
其子嗣昌取龕宣和殿後靖康時金人取石鼓及蘭  
亭敘輦致燕見宋姜夔蘭亭考中石鼓在國學而蘭  
亭不知所在今在國學者疑是薛師正翻刻本或紹  
彭所刻本雖非古刻然元人不能也此石一云明初  
出天師菴土中一云元順帝北還棄諸路徐達取置



國學承澤稱博古鑒藏家。因臨雍偶題是石。錄其說為識。

謹案蘭亭敘帖。係前代摹勒。應置

國朝石刻之後。茲因恭載

御製詩案。特冠卷端。以昭鄭重。

謝履忠集王羲之書詩刻

司業謝履忠有丁香花詩。集羲之書聖教序興

福寺二碑字為之。康熙五十七年刻石。在

御書樓下。

詩并序

謝履忠

太學東序。相傳有丁香一株。前明大司成龍石

許公。復領成均。因出為南京少宰。感維今昔。對

花寄興。形之於詩。自後同聲仰步者。有司成張

水南。司業王前峯。諸公。備鐫於石。歷世久遠。詩

石尚在。詢其丁香。遂不復識其處矣。夫萬物興

替何常。揚之則顯。匿之則晦。千古靈區異境。前

人開之。後人忽而不理。歸於烟飛雲滅者。豈可

勝道。及今得睹斯石。猶見古人。味其遺言。惟恐

隆地。乃與大司成花西坡。李南屏。司業登宣之。諸先生。探究是事。循圖相基。重起屋宇三間。更植丁香數本。時當春莫。花開素苞。繁萼。騰彩敷華。自公之暇。羣賢濟濟。撫景言情。曠如奧如。致足樂也。聞昔聞而啓將來。獨非流風相續之一機乎。忠夙窺翰墨之林。茲以教導為業。思步先達之清塵。冀增學宮之雅趣。爰綜聖教序半截碑字。集為五言古詩。并引其端。以紀日月。謬典國子教。宏道慙明時。石室契前哲。往跡勞

夢思。名花植幽境。風月朗四垂。遐哉歷百年。獲睹翰墨遺。懷賢引同志。鑑古尋高基。排日翦荒穢。庭宇曠東維。非無衆卉麗。丁香夙所期。一朝復清觀。心儀良在茲。餐霞仙侶接。問業諸生隨。早春見苞茂。還憑化雨滋。勝事常不朽。遊息端有資。願言躡軌躅。將使來者知。

崇實振雅二軒記石刻

祭酒李周望撰并書。凡二石。康熙五十七年十月刻。在東廂左軒西向。嵌置壁間。

記

李周望

往予備員成均為司業。方期振興文教。修舉廢墜。未期月。遷翰林院侍講以去。迨視學三楚。事竣還。

朝。復拜祭酒之

命。自甲午迄今。屢膺教育人材之職。異數有加。其何以勝任而無負乎。夫京師為首善要地。師儒之官。海內圭表。典禮於是乎成。賢才於是乎出。而教習貢監諸生之執經講業者。旅進旅退。曾無憩

息之所。非所以居業也。季試月考。風雨寒暑。授簡操筆。未及卒業。惴惴焉以禁城鎖鑰為憂。非所以敬事也。乃於彝倫堂後東廂左右。構二楹焉。其東軒曰崇實。其西軒曰振雅。明窗暖室。筆牀茶竈。几席簾幕之屬。纖悉畢具。諸生較藝角勝。優游嘯咏。思夫實則祛名。雅則遠俗。研精覃慮。一以古人為準的。而不屑屑於凡近。則尋丈之地。不為無補焉。又懼人雜而事稠也。更廣葺官舍而鼎新之。使諸師分曹勤事。庶幾各共厥

職無相凌辱之意也。昔宋儒胡翼之教授湖州。設經義治事二齋。俾之分居其中。專心肄業。其才皆可為世用。後居太學。其徒益眾。太學不能容。取旁官舍處之。元儒許文正為祭酒。亦大葺學舍。令其子弟處各齋。為之長。儒教大興。予何能方駕前賢。惟是遭逢。

右文之世。

聖天子垂意辟雍。樂育多士。一時同官。精白乃心。協恭共濟。予與諸生析疑訂義。朝斯夕斯。慶大化之

有成也。詎非承乏之幸歟。若夫遵守規則。久而弗替。或加式廓焉。則不能無望於後之君子。

附

元

樂毅論帖

刻在蘭亭帖背。無歲月題識。末署孟頫二字。下有趙氏子昂印。著錄家並云趙承旨書。在

御書樓下。

爭坐位帖

凡二石。文刻兩面。一石刻首尾兩段。一石刻中兩段。今首段缺八行。尾缺九行。孫承澤朱彝尊並云趙孟頫臨。其說近是在。

御書樓下。

附

明

文廟國子監圖碑

上為圖。下為記。記二十五行。剝蝕難辨。首行題文廟國子監創建誌。誌中先記殿宇內外。次御碑。即英

宗御製新次  
建太學碑

聖像。次彝倫堂。以下字缺疑。及繩愆博士二廳。率性

修道各堂。鼓房。鐘房。齋房。典簿廳。碑載典簿廳十五間。春明

夢餘錄云三間。蓋據明太學志嘉靖十年改建之後而言。典籍廳。碑載三十

夢餘錄云五間。會饌堂。公解房。廚井倉庫各房。無不備

載。又記東西牌樓四座。舊碑十通。號房二十二

號。五百二十一間。後記器用。正統十二年十一

月立石。在太學門右。南向。

謹案號房有天地人知仁勇文行忠信規矩準

繩紀綱法度格致誠正二十二號。春明夢餘錄云。彝倫堂後齋明所九間。格致誠正號。每號三十七間。嘉靖初改為敬一亭。餘十八號。今觀圖內衙署之西有房六列。東向。各分三段。正合十八之數。南連退省號。北至箭亭以西。皆是。

丁香花詩刻

司業王同祖書。嘉靖壬寅四月刻石。同祖南直隸崑山進士。時以編修擢任司業。跋云。龍石許公者。即許成名也。山東聊城進士。水南張公者。

即張袞也。南直隸江陰進士。先後同官祭酒。石背刻萬曆癸丑關中李元春追和詩。并跋在御書樓下。

原作

許成名

不見花開已六年。重來相對更相憐。花因笑我今仍去。我獨看花一莞然。疎影淡籠春檻月。暖香晴拂禁城煙。浮生踪跡原無定。海鶴江鴻萬里騫。

和作

張袞

仙苑栽培自昔年。上林芳色轉堪憐。不愁花樹  
常為主。但寄萍踪亦偶然。春晚軒窗看爛漫。晝  
長庭館起雲煙。我來公去遙相憶。天漢雲槎獨  
望騫。

和作并跋

王同祖

東華塵土漫經年。坐對名花靜可憐。細雨一庭  
香自發。春風三月興悠然。時飄璧水流丹藻。更  
倚蓬山生紫煙。最羨羽儀雙綵鳳。每從霄漢想  
高騫。

大司成公解後。有丁香一株。閱歲已久。龍石許  
公。再莅辟雍。不踰年。擢南少宰。因俯仰今昔。嬰  
情去來。對花賦詩。興致高遠。今大司成水南張  
公。覽而和之。金玉並奏。雅音春容。不可及已。祖  
忝先後佐二公周旋。輒次韻并手書登石。置之  
壁間。以識一時盛事云。

追和詩并跋

李元春

名花培植始何年。玉署相看倍可憐。不與國色  
爭奇麗。自爾天香出澹然。疎影騰霞橫絳帳。綠

陰浮座散青煙。倚闌斜日鳥啼靜。仙籟鶴鳴遶  
夢騫。

堂東廂舊有丁香花。大司成龍石許。水南張。二  
公相繼唱和。少司成王公次韻。手書登石。萬歷  
癸丑春。以司計。從事成均。依韻賦和。興仰止之  
思耳。

老彭觀井圖銘石刻

圖作老彭觀井。以繩繫身樹間。童子隨後扶持。  
寓臨深履薄意也。有宋陳靖四言銘一章。隸書。

萬歷丁丑刻石。在東廂後堂壁間。南向。

銘

陳靖

至哉古人。遠害全身。戰戰兢兢。慎若履冰。朽索  
之馭。納隍是慮。天子則之。鴻體永據。存而慎亡。  
繫于苞桑。諸侯則之。其國必昌。若舟弗濟。夕惕  
而厲。大夫則之。其家孔熾。直哉惟清。執虛如盈。  
士子則之。其道光亨。不爭在醜。無愧屋漏。庶人  
則之。其食孔阜。吾省予行。吾慎予守。竊比老彭。  
式介眉壽。



謹案老彭即彭祖。考銅山縣志。上古大彭氏國土。即今彭城。莫知所由始。或曰。陸終氏第三子。錢鏗。始封於彭。善養生術。即孔子所謂老彭者。又縣志仙釋門。彭祖名錢鏗。大彭氏後。仕商為大夫。得養生術。年八百餘歲。據此老彭。彭祖實一人。今銅山縣北門子城中。有彭祖井。即昔年觀井處。

古文孝經石刻

凡二石。前云明左春坊諭德掌國子監司業事

蔡毅中集注。後云唐著作郎太子中舍人虞世南書。疑取石經摹勒。而別書集注於各章之下也。末云天啓三年歲在癸丑孟冬之吉。國子監丞金維基。博士張鳳奇。徐牧。門洞開。助教董天允。姚士儒。孫世恪。党修吉。學正顧民畧。蔣尚茂。典簿王象良。典籍□烈。全勒石。禮部儒士吳郡吳尚端集鵠。在西廂正堂。嵌置壁間。



